

**ÁKVÖRDUN SAMEIGINLEGU EES-NEFNDARINNAR  
nr. 282/2019****2020/EES/14/10****frá 13. desember 2019****um breytingu á I. viðauka (Heilbrigði dýra og plantna) og II. viðauka (Tæknilegar reglugerðir, staðlar, prófanir og vottun) við EES-samninginn**

SAMEIGINLEGA EES-NEFNDIN HEFUR,

með vísan til samningsins um Evrópska efnahagssvæðið („EES-samningurinn“), einkum 98. gr.,

*og að teknu tilliti til eftirfarandi:*

- 1) Fella ber inn í EES-samninginn framkvæmdarreglugerð framkvæmdastjórnarinnar (ESB) 2019/1715 frá 30. september 2019 um reglur um starfsemi upplýsingastjórnunarkerfis fyrir opinbert eftirlit og kerfishluti þess (IMSOC-reglugerðin) <sup>(1)</sup>.
- 2) Framkvæmdarreglugerð (ESB) 2019/1715 fellir úr gildi, frá 14. desember 2019, ákvarðanir framkvæmdastjórnarinnar 92/486/EBE, <sup>(2)</sup> 2004/292/EB <sup>(3)</sup> og 2005/123/EB <sup>(4)</sup>, reglugerð framkvæmdastjórnarinnar (ESB) nr. 16/2011 <sup>(5)</sup> og framkvæmdarákvarðanir (ESB) 2015/1918 <sup>(6)</sup> og (ESB) 2018/1553 <sup>(7)</sup>, sem hafa verið teknar upp í EES-samninginn og ber því að fella gerðirnar brott úr samningnum frá 14. desember 2019.
- 3) Ákvörðun þessi varðar ákvæði löggjafar um plöntuheilbrigði. Löggjöf um plöntuheilbrigði fellur utan við gildissvið EES-samningsins og ákvæði sem varða plöntuheilbrigði gilda því ekki að því er varðar EFTA-ríkin.
- 4) Ákvörðun þessi varðar löggjöf um lifandi dýr önnur en fisk og eldisdýr. Ísland er undanþegið löggjöf á þessu sviði eins og fram kemur í 2. mgr. inngangsorða I. kafla I. viðauka við EES-samninginn.
- 5) Ákvörðun þessi varðar löggjöf um heilbrigði dýra, fóður og matvæli. Ákvæði löggjafar um heilbrigði dýra, fóður og matvæli skulu ekki gilda að því er varðar Liechtenstein meðan ákvæði samnings Evrópubandalagsins og Sambandsríkisins Sviss um verslun með landbúnaðarvörur taka einnig til Liechtenstein, eins og fram kemur í aðlögunarákvæðum vegna einstakra atvinnugreina í I. viðauka og í inngangsorðum XII. kafla II. viðauka við EES-samninginn. Ákvörðun þessi á því ekki að taka til Liechtenstein.
- 6) Í framkvæmdarreglugerð (ESB) 2019/1715 er mælt fyrir um reglur um starfsemi upplýsingastjórnunarkerfis fyrir opinbert eftirlit (IMSOC), sem komið er á fót með reglugerð (ESB) 2017/625. Svo tryggja megi einsleitni og samræmda beitingu reglna um opinbert eftirlit á EES-svæðinu skulu EFTA-ríkin og Eftirlitsstofnun EFTA hafa aðgang að IMSOC.
- 7) I. og II. viðauki við EES-samninginn breytast því í samræmi við það.

TEKIÐ EFTIRFARANDI ÁKVÖRDUN:

*1. gr.*

Eftirfarandi breytingar eru gerðar á I. viðauka við EES-samninginn:

1. Eftirfarandi lið er bætt við á eftir lið 11bc (framseld reglugerð framkvæmdastjórnarinnar (ESB) 2019/1666) í hluta 1.1 í I. kafla:

<sup>(1)</sup> Stjtuð. ESB L 261, 14.10.2019, bls. 37.<sup>(2)</sup> Stjtuð. ESB L 291, 7.10.1992, bls. 20.<sup>(3)</sup> Stjtuð. ESB L 94, 31.3.2004, bls. 63.<sup>(4)</sup> Stjtuð. ESB L 39, 11.2.2005, bls. 53.<sup>(5)</sup> Stjtuð. ESB L 6, 11.1.2011, bls. 7.<sup>(6)</sup> Stjtuð. ESB L 280, 24.10.2015, bls. 31.<sup>(7)</sup> Stjtuð. ESB L 260, 17.10.2018, bls. 22.

„11bd. **32019 R 1715**: Framkvæmdarreglugerð framkvæmdastjórnarinnar (ESB) 2019/1715 frá 30. september 2019 um reglur um starfsemi upplýsingastjórnunarkerfis fyrir opinbert eftirlit og kerfisíhluti þess (IMSOC-reglugerðin) (Stjtíð. ESB L 261, 14.10.2019, bls. 37).

Ákvæði reglugerðarinnar skulu, að því er samning þennan varðar, aðlöguð sem hér segir:

- a) Lögbær yfirvöld EFTA-ríkjanna skulu hafa sama aðgang að IMSOC og lögbær yfirvöld aðildarríkja ESB.
- b) Eftirlitsstofnun EFTA skal hafa aðgang að IMSOC.“

2. Eftirfarandi lið er bætt við á eftir lið 31qc (framseld reglugerð framkvæmdastjórnarinnar (ESB) 2019/1666) í II. kafla:

„31qd. **32019 R 1715**: Framkvæmdarreglugerð framkvæmdastjórnarinnar (ESB) 2019/1715 frá 30. september 2019 um reglur um starfsemi upplýsingastjórnunarkerfis fyrir opinbert eftirlit og kerfisíhluti þess (IMSOC-reglugerðin) (Stjtíð. ESB L 261, 14.10.2019, bls. 37).

Ákvæði reglugerðarinnar skulu, að því er samning þennan varðar, aðlöguð sem hér segir:

- a) Lögbær yfirvöld EFTA-ríkjanna skulu hafa sama aðgang að IMSOC og lögbær yfirvöld aðildarríkja ESB.
- b) Eftirlitsstofnun EFTA skal hafa aðgang að IMSOC.“

3. Texti liðar 11a (framkvæmdarákvörðun framkvæmdastjórnarinnar (ESB) 2015/1918) í hluta 1.1 í I. kafla, 12. liðar (ákvörðun framkvæmdastjórnarinnar 92/486/EBE) og 118. liðar (ákvörðun framkvæmdastjórnarinnar 2004/292/EB) í hluta 1.2 í I. kafla, 54. liðar (reglugerð framkvæmdastjórnarinnar (ESB) nr. 16/2011) í hluta 7.2 í I. kafla, liðar 31ja (framkvæmdarákvörðun framkvæmdastjórnarinnar (ESB) 2015/1918) og liðar 47a (reglugerð framkvæmdastjórnarinnar (ESB) nr. 16/2011) í II. kafla, fellur brott frá 14. desember 2019.

2. gr.

Eftirfarandi breytingar eru gerðar á XII. kafla II. viðauka við EES-samninginn:

1. Eftirfarandi lið er bætt við á eftir lið 164c (framseld reglugerð framkvæmdastjórnarinnar (ESB) nr. 2019/1666) í XII. kafla II. viðauka:

„164d. **32019 R 1715**: Framkvæmdarreglugerð framkvæmdastjórnarinnar (ESB) 2019/1715 frá 30. september 2019 um reglur um starfsemi upplýsingastjórnunarkerfis fyrir opinbert eftirlit og kerfisíhluti þess (IMSOC-reglugerðin) (Stjtíð. ESB L 261, 14.10.2019, bls. 37).

Ákvæði reglugerðarinnar skulu, að því er samning þennan varðar, aðlöguð sem hér segir:

- a) Lögbær yfirvöld EFTA-ríkjanna skulu hafa sama aðgang að IMSOC og lögbær yfirvöld aðildarríkja ESB.
- b) Eftirlitsstofnun EFTA skal hafa aðgang að IMSOC.“

2. Texti liðar 54zzzia (framkvæmdarákvörðun framkvæmdastjórnarinnar 2015/1918/ESB) og 54zzzzzm (reglugerð framkvæmdastjórnarinnar (ESB) nr. 16/2011 fellur brott frá 14. desember 2019.

3. gr.

Íslenskur og norskur texti framkvæmdarreglugerðar (ESB) 2019/1715, sem verður birtur í EES-viðbæti við *Stjórnartíðindi Evrópusambandsins*, telst fullgiltur.

4. gr.

Ákvörðun þessi öðlast gildi 14. desember 2019, að því tilskildu að allar tilkynningar samkvæmt 1. mgr. 103. gr. samningsins hafi farið fram (\*), eða á gildistökuþingi ákvörðunar sameiginlegu EES-nefndarinnar nr. 210/2019 frá 27. september 2019, eftir því hvor dagsetningin er síðar.

5. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 13. desember 2019.

Fyrir hönd sameiginlegu EES-nefndarinnar

***Gunnar Pálsson***

formaður.

---

(\*) Engin stjórnskipuleg skilyrði gefin til kynna.